



Векало ПахIала Ковлусихошка яздина кехат

Ковлуси-гIала Асиа-махкарчу Эпас-гIалина малхбалехь яра. Ша набахтехь волуш *векало ПахIала ковлусихошка яздина кехат* цу гIалахь йолчу динан тобанна лерина дара. И динан тоба ПахIала дIахIоттийна яцара, амма ПахIална ша жоп дала деза аьлла хетачу меттехь яра иза, хIунда аьлча Римхойн пачхьалкхана чубогIучу Асиа-мехкан коьртачу гIалара Эпасера цо цига динан гIуллакхархой бахийтинера. ПахIална хезнера, Ковлуси-гIалахь йолчу динан тобанехь харцхьехамчаш хиларх а, цара дIасабаржош болчу харц хьехамех а лаяцна. Цара хьобхура, Дела вовзархьама а, кхоччуш кIелхьардахийтархьама а, «стигалийн цхьаболчу хьаькамашна а, куьйгалхошна а» Iамал ян еза бохуш. Цул сов, оцу харцхьехамчаша бохура, стаг сунтвина хила а веза, кхачанца а, кхидолчу хIуманашца а доьзна долу чIогIа Iадаташ наха лардан а деза.

ХIара кехат ПахIала яздо, динан бакьболчу кхоаца цу харцхьехамчашна дубхьало ярхьама. Цо лучу жоьпан дух иштта ду: Дала леррина кьобалвинчу Иийсас кхоччуш долу кIелхьардахар дала тарло, амма оцу кхидолчу парзаша а, Iадаташа а Цунах стаг херавоккху. Ша леррина Кьобалвинчуьнгахула хIара дубне кхоьллина Дала, ткъа Цуьнгахула иза юха дIа а оьцу Цо. Цуьнца боьзна хилчий бен, дубнен тIехь бехачу массо а наха шаьш кIелхьардахаре сатуьйсийла дац. Цу сийлахьчу хьехамца ПахIала дубйцу, Иийсах тешаш верг шен дахарехь муха лела веза бохуш.

ХIара кехат ТихIакца Ковлуси-гIаларчу динан тобане дIадахийтинера ПахIала. Ткъа ТихIакца цхьаьна новкьаваьларг Онисам цIе йолу цхьа лай вара. Цунах лаяцна ПахIала *Пхьалмане* кехат яздинера.

Дешхьалхе

1 ¹Делан лаамца Цо леррина кьобалвинчу Иийсан векал волчу ПахIала а, динан вашас Тимапис а яздо ²Ковлуси-гIалахь бехачу Дала базбинчу а, Далла тешамечу а, Дала леррина Кьобалвинчуьнца боьзна а болчу динан вежаршка.

Вайн Да волчу Делера долу дика а, синпаргIато а хуьлда шуна.

Далла хастам бар

³Шуна тIера доIанаш а деш, оха даим хастамаш бо вайн Веза Эла волчу, Дала леррина кьобалвинчу Иийсан Да волчу Далла. ⁴ХIунда аьлча Дала леррина кьобалвинчу Иийсах шун тешар хиларх а, массо а Делан долахь берш шуна безарх а лаяцна хезна тхуна. ⁵Шу иштта лела, стигалшкахь шайна кечдина долчуьнга шаьш сатуьйсус долу дела. Цунах лаяцна хазачу кхоан билгал бакьдолчу дашехула хьалха а хезнера шуна. ⁶Шу долчу кхачна болу и хаза кхач дерриг а дубнен тIехь шен стом луш а, дIасабаржаш а бу, Делан дика бакьбалла а муха хуьлу шуна хезначу а, шу кхетгачу а дийнахь дубйна, шуна юкхачь и кхач иштта лелаш ма-хиллара. ⁷И хаза кхач вайна везаш волчу Эпарпис бовзийтинера шуна. Вайца цхьаьна Далла гIуллакх деш ву иза, ткъа шун дубхьа иза Дала леррина Кьобалвинчун тешаме ялхо а ву. ⁸Делан Сино шуна беллачу безамах лаяцна тхобга хаам бинарг а иза вара.

⁹Цундела тхайна и хаам бинчу дийнахь дубйна, шуна тIера даим доIанаш деш ду тхо. Оха доьху, Делан Сино мел луш долчу хьекьалца а, кхетамца а Делан лаам бовзарх шу дузийтар. ¹⁰Иза иштта хилахь, массо а хIуманна тIехь Делан лаамехь дерг а деш, Везачу Элана хьалха хьакь долуш лелар ду шу. Аша деш долчу муьлхачу а дикачу гIуллакхаша стом а лур бу, Дела вовзарна тIехь кхиамаш а бохур бу аша. ¹¹Цуьнан нуьцкьалчу сийлалле хьаьжжина, шу чIагIдина хуьлийла, массо а хIума собарца ловш шу хилийтархьама. Дакхийдерца ¹²стигаларчу Дена хастамаш бойла аша. Серлонан олаллехь Шен долахь болчарна лур ду аьллагучу декьашхой шух хилийта, шуна хуьнар Делларг Иза ма ву. ¹³Вай, боданан олаллехь кIелхьара а даьхна, Шен везаш волчу КIентан олалле даьхна Цо. ¹⁴Цуьнгахула вай паргIатдахархьама мах а белла, вайн кьиношна гечдина Дала.

Дала леррина кьобалвина Иийса а, Цо кхочушдина гIуллакх а

- ¹⁵Дала леррина Кьобалвинарг –
гуш воучу Делан гуш долу васт ду.
Цуьнан дубхьарлера Добзалхо ву Иза, кхоьллина мел
долчу хIуманал тоьлуш а волуш.
- ¹⁶ Стигалшкахь а, лаьттахь а
гуш долу а, гуш доцу а
массо а хIума Цо кхоьллина ду:
стигалийн паччахьаш, я олахой,
я хьаькамаш, я куьйгалхой хуьлийла уьш.

- И дерриг а Цо кхоьллина а ду,
Цунна кхоьллина а ду.
- 17 Иза долуш долчу дерригенал а хьалха вара,
Цо массо а долуш дерг шен-шен меттехь лоттуйту.
- 18 Иза динан массо а тобанан Корта бу,
ткъа и тоба Цуьнан дегI санна ю.
Оцу тобанан дахаран хьоста ду Иза.
Беллачарна юкъара дубхъара денвелларг а Иза ву,
массо а хуманна тIехь хьалхе йоккхуш Иза
хилийтархьама.
- 19 ХIунда аьлча Далла тамехь дара
Шен мел йолу амал кхоччуш Цуьнгахь хилар.
- 20 Далла лиира Цуьнгахула стигалахь а, лаьттахь а долу дерриг а
хIума Шеца тайта.
ЖIара тIехь Iанийначу Шен КIентан цийгахула
царна а, Шена а юкъахь барт бира Цо.
- 21 Аша дечу вочу гIуллакхаша гойтура, цхьана хенахь шу а Далла
херадевлла хилар. Шайн кхетамехь Делан мостагIий дара шу. 22 Ткъа
хIинца, Ша леррина Къобалвинчун дегIан даларехула, Дела шуьца
тайра, Шена хьалха шу даздина а, цIена а, ала хIума доцуш а дIахИт-
торхьама. 23 Иза иштта хир а ду, нагахь санна шайн тешар тIехь ше-
конаш а йоцуш, чIагI а делла, шу латтахь а, шайна хезначу хазачу
кхоо луш болчу сатийсамах аша шаьш дIа ца хадийтахь а. Стигал KIел
болчу массаьрга а дIахазийтинчу оцу хазачу кхоан ялхо хилира сох,
ПахIалах.

ПахIала динан тобанна къахьегар

24 Со воккхавеш ву айса шун дубхъа хIинца баланаш хьегарх. Аса
сайн дегIа чохь кхочушдо Дала леррина Къобалвинчунна тIаьхъа-
хИттинчара Цуьнан дегIан дубхъа хьеге дезаш диснарг. Цуьнан дегI –
Иийсах тешачу массеран а тоба ю. 25 Дала суна тIедиллина шун дубхъа
оцу тобанан гIуллакхархо хилар. Цо со къобалвинера Шен дош шу-
на дубззина довзийта. 26 Оцу Делан дашна чохь цхьа къайле ю. И
къайле бIешерашкахь дубйна массо а адамиин гаранашна дIакъевлина
яра. Ткъа хIинца иза Шен долахь болчарна дIайовзийтина Дала. 27 Де-
лан лаам бу Шен къайленан хьал мел сийлахь ду Шен долахь болчар-
на дIахайтар. Массо а къаьмнех болчеран дубхъа ю и къайле: Дала
леррина Къобалвинарг шун даг чохь ву, цундела шун сатуьсийла ду
Делан сийлалле. 28 Дала леррина Къобалвинарг вай дIакхайкхаво, хIю-
ра адам, массо а тайпана хьекьалца кхета а деш, Iама а деш, иза, Дала

1:18 Эпасхошка 1:22, 23. 1:20 Эпасхошка 2:16.

леррина Къобалвинчуьнца доьзна а долуш, дубззина кхочуш а дина,
дIахIотторхьама. 29 Сайна чохь болх беш болчу Цуьнан ницкъаца оцу
Iалашонна къахьобгуш ву со.

2 1 Суна шуьга дIахайта лаьа, мел чIогIа къахьобгу аса Лаудикехь де-
хачу шун дубхъа а, юьхь-дубхьал со шайна гина а боцучу массеран
дубхъа а. 2 Аса иза до, уьш, вовшашка болу безам а болуш, цхьаьнакхетта
хилийтархьама а, церан дегнаш иракарахИтторхьама а. Суна лаьа, церан
хьекьал кхачам боллуш чIогIа хила, Делан къайле царна йовзийтархьама.
Ткъа Делан къайле Дала леррина Къобалвинарг ву. 3 Цунна чохь къайла-
яьккхина ю KIоргге долчу хьекьалан а, кхетаман а мел йолу хазна.

4 Аса иза боху шуьга, цхьаннан а хазачу къамелах шу Iеха ца далийтар-
хьама. 5 ХIунда аьлча со, шуна гуш юххехь вацахь а, синца шуьца ву. Шун
оьзда дахар а, Дала леррина Къобалвинчух шун чIогIа долу тешар а гуш,
воккхавеш ву со.

Дала леррина Къобалвинчуьнца долу кхоччуш дубзна дахар

6 Дала леррина къобалвина Иийса шаьш Веза Эла санна тIеэцарна,
Цуьнца доьзна а долуш, дахалаш. 7 Шайн тешаран орамаш Цунах дIа а та-
сий, Цуьнца цхьаьна хьалакхилалаш. Шайна хьехначу тешарехь чIагIло-
лаш. Баркалlex дубззина хилалаш.

8 Варелаш, динан вежарий, вайн дайша даьхначу Iадатийн а, кху дуб-
ненах лаьцна адамиин болчу кхетаман а бух тIехь долчу, шу ледан дубй-
цучу даьссачу къамелийн иийсархой ма хилалаш. Иштта долу къамелаш
Дала леррина Къобалвинчуьнца доьзна дац. 9 ХIунда аьлча адаман сибат
тIеэцна волчу Цунна чохь Дела кхачам болуш Iаш ву. 10 Шу а ду кхачам
боллуш дубзна, шу Цуьнца доьзна долу дела. Стигалийн мел болчу хьаь-
камел а, куьйгалхойл а коьрта ву Иза.

11 Шу Цуьнца доьзна хиларна, адамиин куьйгашца дина доцу шун
сунтдар кхочушдина. Дала леррина Къобалвинчо кхочушдинчу сунт-
дарехула шун хьарам лаамаш дIабаьхна. 12 Хих чекхдовлучу хенахь Да-
ла леррина Къобалвинчуьнца цхьаьна дIадоьхкина долу шу Цуьнца
цхьаьна денделла, Иза веллачуьра денвинчу Делан ницкъах шун долчу
тешарца. 13 Шаьш къинош летийна дела а, кхечу къаьмнех шаьш схьа-
девлла дела а, хьалха шу делла дара. Ткъа хIинца Дала леррина Къо-
балвинчуьнца доьзна долу шу денделла, Дала вайн массо а къиношна
геч а дина. 14 Цо дIадайина вайн декхар тIеяздина долу йоза. Оцу кехат
тIехь вайна дубхьал долу а, вай бехке озош долу а парзаш дара. ЖIарах
дIа а тоьхна, Дала и кехат дIадаьккхина. 15 Иза дарца жинийн хьаька-
миин а, куьйгалхойн а карара олалла дIадаьккхина Цо. Иийса жIарах

2:12 Римхошка 6:4. 2:13 Эпасхошка 2:1-5. 2:14 Эпасхошка 2:15.

дIагохарехула царна тIехъ толам а баьккхина, массарна а хьалха уьш юьхьIаьржачу хIиттийра Цо.

¹⁶Хинца дуьйна йиьнарг я мелларг бахьана долуш, къастийна долу а, я керла бутт болалуш долу а, я шоьтан деза долу а денош бахьана долуш цхьаммо а шу бехке ма дойла. ¹⁷Хунда аьлча и дерриг а хиндолчун дегIан ГиндагI ду, ткъа долуш дерг Дала леррина Къобалвинчуьнца доьзна ду. ¹⁸Харц кепара шу лахара хила а деза, аша маликашна Iамал ян а деза бохучо шу Iеха ма дойла, ша дуьйцург шена гиначу суьрташца тIе а чIагIдеш. Цхьа а бахьана доцуш, адамиин кура ойла хуьлу ишттачу стеган. ¹⁹ДегIан Корта болчу Дала леррина Къобалвинчунна тIе ца гIерта иза. И корта бахьана долуш, пхенаша а, меженаша а латгадеш цхьаьна-тесна долу и дерриг а дегI Делан лаамехъ хьалакхуьш ду.

*Дала леррина Къобалвинчуьнца далар а,
Делаца дахар а*

²⁰Нагахъ санна Дала леррина Къобалвинчуьнца шу, дала а делла, кху дуьнен чохъ долчу парзийн а, Iадатийн а долара схьадевлла хилча, хIунда гIерта шу, кху дуьненан долахъ долуш санна, ²¹«хIокхунах ма хьакхалолаш», «хIара ма яалаш», «кхунах куьг ма Iотталаш» бохучу сацамашна тIе? ²²Диина даьлча, телхина дIадер долчу хIуманех лаьцна дуьйцу оцу хьехамашкахъ. Уьш адамаша даьхна парзаш а, хьехамаш а бен дац. ²³ТIехьаьжча, иштта парзаш хьекъале ду мотта тарло: цаьрца ду шайн лаамца Iамал яр а, харцкепара шаьш лахара хетар а, шайн догIмашна тIехъ ницкъ бар а. Делахъ а, цара шайн хьарамчу лаамашна урхалла даре хьаьжжина, цу парзийн цхьа а мах бац.

З¹Дала леррина Къобалвинчуьнца цхьаьна шу деллачуьра денделла хиларна, Далла аьтту агIор Иза охьахиина волчу стигалшкахъ долчух шун кхетам бузийла. ²Лаьттахъ долчун ойла а ца еш, стигалахъ долчух дегнаш дуза. ³Хунда аьлча шун хьалха хиллачу дахаре хьаьжча, шу делла ду, ткъа Дала леррина Къобалвинчуьнца шун бакъдолу дахар Делан карахъ дIахьулдина ду. ⁴Шеца шун дахар долуш волу Дала леррина Къобалвинарг кху дуьнен чу юхавеача, шу а сийлаллица Цуьнца цхьаьна догIур ду.

Шира а, керла а дахар

⁵Иза иштта долу дела, шайна чохъ лелаш болу а, кху дуьненца боьзна болу а адамиин лаамаш хIаллакбелаш: нахаца лелар, цIена доцург лаар, боьхачу лаамех дуьзна хилар, зуламе лаамаш хилар, сутара хилар (хIунда аьлча сутара хилар цIушна Iамал яр санна ду). ⁶Иштта дерг лелорна

^{2:16} Римхошка 14:1-6. ^{2:19} Эпасхошка 4:16. ^{3:1} Забур 109:1.

муьтIахъ ца хуьлучу нахана Делан оьгIазло тIейогIур ю. ⁷Мацах шу а ма дара иштта лелаш, шайн дахар цу хIуманех дуьзна долчу хенахъ.

⁸Ткъа хIинца и шадерг дIадаккха: дералла, оьгIазалла, хьагI, вониг дийцар, боьха бага леяр. ⁹Вовшашка харц ма ле, хIунда аьлча шайн шира адам цуьнан гIуллакхашца цхьаьна аша дIа ма тесна. ¹⁰Керла адам а хилий, дIахIитта. Ша Кхоьллинчун вастехъ карладолу и адам, Дела вуьззина вовзалц. ¹¹Иза иштта хиларна, цхьа а башхо яц кхечу къомах волчу стагана я жуьгтичунна юкьахъ, сунтвинчунна я сунтваза волчунна юкьахъ, оьздачу халкъан волчу стагана я оьздалла йоцучу халкъан стагана юкьахъ, лена я маьршачунна юкьахъ. Мелхо а, Дала леррина Къобалвинарг уггар лараме Верг а ву, Иза массаьрца а ву.

¹²Дала даздинарш а, Цуьнан хьоме хаьржинарш а шаьш хиларна, къинхетамах, диканиг дарх, ша-ша лахара хетарх, эсалаллех, собар хиларх дуьзна хилалаш. ¹³Вовшех кхеташ хилалаш, нагахъ санна цхьаь вукхунна дегабаам болуш велахъ, вовшашна гечделаш, Везачу Эло шайна гечдаре терра. ¹⁴Даггара вовшашка болу безам дерриг а цу хIуманашна тIетоха. Массо а хIума кхачаме цхьаьна доьхкург безам ма бу. ¹⁵Дала елла йолу синпаргIато хуьлийла шун дегнаш чохъ оалала деш. Шух цхьа дегI а дина, синпаргIатоне тIекхайкхина Дала. Далла баркалла олуш хила. ¹⁶Дала леррина Къобалвинчун дош дуккха а дехийла шун даг чохъ. Шайн мел долчу хьекъалца вовшашна хьехамаш а бе, вовшийн кхета а де. Шайн дегнаш чохъ Далла баркаллаш а кхайкхош, назманаш а ала, эшарш а легка, динан иллеш а ала. ¹⁷Дашца я гIуллакхца шаьш мел дийриг Веза Эла волчу Iийсан цIарах делаш, Да волчу Далла Цуьнгахула баркаллаш а олуш.

Керлачу дахарехъ юкьаметтигаиш муха хила еза

¹⁸Зударий, шайн майранашна муьтIахъ хила, хIунда аьлча иза шун декхар ду, Везачу Элаца шу доьзна хиларна.

¹⁹Майранаш, шу а шайн зударий безаш хила, цаьрца буьрса ма хила.

²⁰Бераш, массо а хIуманна тIехъ шайн дас-нанас боьххург деш хила, хIунда аьлча иза Далла хазахетарг ду.

²¹Дай, шайн бераш оьгIаз ма эхийта, дог доьхна уьш ца хилийтархьама.

²²Леш, адамаш долчу шайн элашна массо а хIуманна тIехъ муьтIахъ хила. Царна шаьш гуш долчу хенахъ там бина а ца Iаш, Везачу Элах кхоьруш а, догцIена а лела. ²³Шаьш мел дийриг а доггах де, адамашна деш санна а доцуш, Везачу Элана деш санна. ²⁴Дагахъ латгаде, Шен халкъана лур ду аьлларг Везачу Эло совгIатна лур ду шуна. Дала леррина

^{3:9} Эпасхошка 4:22. ^{3:10} Эпасхошка 4:24; Доладалар 1:26. ^{3:12}, ¹³ Эпасхошка 4:2.

^{3:13} Эпасхошка 4:32. ^{3:16}, ¹⁷ Эпасхошка 5:19, 20. ^{3:18} Эпасхошка 5:22; 1 Кипин 3:1.

^{3:19} Эпасхошка 5:25; 1 Кипин 3:7. ^{3:20} Эпасхошка 6:1. ^{3:21} Эпасхошка 6:4. ^{3:22-25} Эпасхошка 6:5-8.

Къобалвинарг баккъалла а аша гУллакх деш волу Эла ма ву. ²⁵Ткъа харцонаш лелочунна, ша лелийначу харцоне хъаьжжина, таІзаран ял кхочур ю. Дала цхъаьнгге а озабезамаш ца бо.

4 ¹Элий, шайн лешца бакъо а, нийсо а лелош хилалаш. Диц ма делаш, шайна тІехъ цхъа Эла хилар: стигалшкахъ волу Веза Эла.

Хъехамаш

²Сема а долуш, Далла баркалла а олуш, леррина доІанаш делаш. ³Иштта тхуна тІера а доІанаш де Деле, Цуьнан дош дІакхайкхо а, Цо леррина Къобалвинчух лаьцна йолу Цуьнан къайле дІайовзийта а тхан аьтто бар доьхуш. И къайле дІакхайкхор бахъана долуш, ву со набахтехъ. ⁴Дехалаш Деле, и къайле дІакхайкхо еззачу тайпана дІакхайкхо суна хайита алий.

⁵Арахъ болчаьрца хъекъале хилалаш. БегІийла меттиг шайна нисъелча, хъехамаш бан пайденна хилийталаш. ⁶Шун дистхилар а хаза хила деза, дуьйцург сингаттаме ма хилийта, хІоранга а жоп муха дала деза а хууш.

Маршаллаш

⁷Сох лаьцна шадерг ТихІака дуьйцур ду шуна. Тхобца цхъаьна Везачу Элана гУллакх деш волу, тешаме къахъоьгуш волу, вайн хъоме динан ваша ву иза. ⁸Тхобгахъ хІун хьал ду шуна хайита а, шун дегнаш иракара-хІитто а воуьйту аса иза шу долчу. ⁹Шу долчуьра тешаме а, хъоме а волу динан ваша Онисам а ву цуьнца. Цара кхузахъ долчу дерригенах а лаьцна дуьйцур ду шуна.

¹⁰Шуьга маршаллаш доуьйту соьца цхъаьна набахтехъ волчу Арестаха а, иштта Бар-Наабан шичас Марка а. (Цунах лаьцна олуш, аса тІедилли-нера шуна, нагахъ иза шу долчу кхачахъ, цунна хъошалла дар.) ¹¹Иштта маршаллаш доуьйту шуьга ЮшаІа а. (Кхечу тайпана Юст олу цунах.) И хьоь сунтбинчех ву. Уьш бен бац соьца Делан Олаллина лерина къахъоьгуш болу сунтбинарш. Сан чІогІа догъоьцура цара.

¹²Маршалла доуьйту шуьга Дала леррина къобалвинчу Іийсан лай волчу шун Эпарпис а. Цо даим а дакъалоцу шуна тІера дечу доІанашкахъ, шайн тешарна тІехъ шу кхоччуш кхийтархъама а, Делан лаамехъ долчух шу дуьзна хилийтархъама а. ¹³Лаудика-гІалахъ а, ХІерапал-гІалахъ а долчу шуна Эпарпис чІогІа къахъоьгуш хиларх тоьшалла до аса. ¹⁴Маршалла ду шуьга хъомечу лоьрера Лакера а, Демера а.

^{3:25} Карлабаьккхинарг 10:17; Эпасхошка 6:9. ^{4:1} Эпасхошка 6:9. ^{4:5} Эпасхошка 5:16. ^{4:7}, ⁸ Эпасхошка 6:21, 22. ^{4:9} Пхьалмане 1:10-12. ^{4:10} Векалийн 19:29; 27:2; Пхьалмане 1:24; Векалийн 12:12, 25; 13:13; 15:37-39. ^{4:12} Ковлусихошка 1:7; Пхьалмане 1:23. ^{4:14} 2 Тимапига 4:11; Пхьалмане 1:24; 2 Тимапига 4:10.

¹⁵Маршаллаш ло Лаудикехъ болчу динан вежаршка а, Нумпате а, цуьнан цІерачу динан тобане а. ¹⁶ХІара кехат шаьш долчохъ дешна даьлча, Лаудикерачу динан гуламехъ дІадешийта, ткъа Лаудикехъ дерг шайн гуламехъ аша а деша. ¹⁷Арихупе иштта дІаала: «Варелахъ, Везачу Элаца волуш айхъа тІелаьцна долу деза гУллакх кхочушделахъ».

¹⁸Аса сайн куьйгаца яздо шуьга хІара тІаьххъара долу маршалла. Со набахтехъ хилар диц ма делаш.

Делан дика хуьлийла шуьца массаьрца а.

^{4:17} Пхьалмане 1:2.